



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

40. De circumstantiis crucifixionis.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO XL.

De loco & tempore crucifixionis, de
oblato felle, ac denudatione.

PUNCTUM PRIMUM.

I.
Elegit
locum
apertum

DE loco, & tempore mortis Dominicæ. Locus fuit mons Calvariæ. In aperto voluit mori, ut pateret omnibus, qui pro omnibus moriebatur: & in infami supplicij loco, ad majorem ignominiam: & in Calvariæ loco, ad horrorem, quod ibi reorum calvariæ congestæ essent, atque ut significaret suâ morte se vivificaturum defunctorum ossa.

II.
Tempus
meridi-
anum.

Tempus elegit meridianum, ut confusio esset major, in clara luce; &, ut intelligeretur summus ardor charitatis, quâ se offerebat in holocaustum, & in die Paschatis, quando conveniebat Ierosolymam innumerabilis multitudo. Nativitati autem elegit noctem mediam, & locum ignobilem, & gloriam suam occultaret.

PUNCTUM II.

Felle potatur & cur.

Pf. 60.

22.

Ier. 31.

29.

Ezech.

18. 2.

POratur vino felle mixto, cum alijs ad solatium præberi potus soleret, & sic inventus modus cruciandi ipsum, etiam intus. Discam ferre ingrata palato: & quod, pro levamine, inferatur mihi molestia. *Dederunt in escam meam fel, & in siti mea potaverunt me aceto. Nos comedimus uvam acerbam: & dentes tui, ô Domine, obstupuerunt.* Opera ex se bona, at malâ

malâ intentione, alijsve circumstantijs infecta, verè sunt vinum felle mixtum: Quàm rarò nostræ actiones puræ sunt absque imperfectionibus? contrà, nobis propinat Christus vinum meracissimum, corpus, & sanguinem suum, & liquidissimas consolationes.

PUNCTUM III.

Denuo exiit vestibis, usque ad nudum, in oculis tantæ multitudinis, & petulantium militum, atque irrisorum: fert patienter ignominiam hanc peccatis nostris debitam, præbet exemplum nuditatis Evangelicæ: docet ferre defectus rerum. Hac sua nuditate tegit nuditatem primi Adæ, comparans illi stolam gloriæ. Tanquam alter Noë, meliore vino inebriatus, vino charitatis, à suo populo, quasi filio ludibrio habetur. Nudatio hæc fuit etiam acerbissima, quod interior tunica carni adhæresceret concisæ vulneribus, quæ refricari necesse fuit, & alicubi pellem etiam à carne detrahi.

Ultimò
vestibus
nudatur
& quare.

MEDITATIO XLI.

Christus Cruci affigitur.

PUNCTUM PRIMUM.

EXtenditur super lignum Crucis, ad mandatum tortorum: obedienter se locat super crucem, extenditque sacras manus, pro eo, quòd Adam extendit manus ad pomum arboris

Christus
extendit
se obedi-
enter su-
per cru-
cem.

H 5

ve-